

Na osnovu člana 26. Zakona o izvršenju Budžeta Tuzlanskog kantona za 2007.godinu («Službene novine Tuzlanskog kantona», broj: 3/07), a u vezi sa članom 3. Odluke o utvrđivanju uslova, kriterija i postupka za izbor i sufinansiranje programa i projekata udruženja iz Budžeta Tuzlanskog kantona za 2007.godinu («Službene novine Tuzlanskog kantona» broj: 5/07), Vlada Tuzlanskog kantona r a s p i s u j e

DODATNI JAVNI POZIV

za predlaganje programa i projekata organizacija i udruženja za sufinansiranje iz Budžeta Tuzlanskog kantona za 2007.godinu u iznosu od 90.000,00 KM

(Pravo učešća)

Pravo učešća imaju udruženja i organizacije koja su registrovana u Ministarstvu pravosuđa i uprave Tuzlanskog kantona, kao i udruženja koja su registrovana u skladu sa Zakonom na entitetskom ili državnom nivou a koje imaju sjedište, djeluju, rade i implementiraju projekte na području Tuzlanskog kantona a nisu obuhvaćena Programom raspodjele sredstava po javnom pozivu za organizacije i udruženja TK za 2007.godinu Vlade Tuzlanskog kantona, broj:02/1-14-1527/07 od 20.07.2007.godine.

(Tartransparentnost postupka)

Dodatni javni poziv se objavljuje u dnevnim novinama «Dnevni avaz», Radio-televiziji Tuzlanskog kantona i na zvaničnoj WEB stranici Vlade Tuzlanskog kantona (www.vladatk.kim.ba).

(Preferencijalni kriterij)

Sredstva iz Budžeta Tuzlanskog kantona prvenstveno se raspodjeljuju udruženjima čiji se programi i projekti odnose na :

1. zaštitu i promociju ljudskih prava i prava djeteta,
2. aktivnosti i podrška mladima,
3. smanjenje nezaposlenosti, socijalnu zaštitu, zaštitu civilnih žrtava rata i zaštitu porodice sa djecom,
4. promociju volonterskog i humanitarnog rada i lokalnih građanskih inicijativa,
5. programe izvaninstitucionalnog obrazovanja – prekvalifikacije, doškolovavanje, te razvoj socijalnog poduzetništva
6. demokratizaciju i razvoj civilnog društva
7. unapređenje kvaliteta življenja, zaštite i očuvanje zdravlja i životne sredine,
8. zaštitu i očuvanje kulturne baštine, naroda i nacionalnih manjina u BiH i promociju njihovih kulturnih djelatnosti,
9. promociju javnih potreba tehničke kulture
10. izdavačku djelatnost udruženja (izdavanje publikacija).

(Isključivi kriterij)

Projekti / programi koji se neće sufinasirati su:

- projekti usmjereni ka vjerskim ciljevima i aktivnostima
- projekti koji se isključivo baziraju na investicijskim ulaganjima, izgradnji i adaptaciji objekata, kupovini opreme;
- projekti koji se isključivo odnose na jednokratne manifestacije.

(Način apliciranja)

Udruženje podnosi prijavu na konkurs na posebnom Aplikacionom formularu kojeg propisuje Vlada Tuzlanskog kantona.

Aplikacioni formular se može preuzeti sa web stranice Vlade Tuzlanskog kantona (www.vladatk.kim.ba) ili u pisarnici Vlade.

Aplikacioni formular sa svim priložima se podnosi u zapečaćenoj koverti, a predaje putem pošte ili na pisarnicu Vlade Tuzlanskog kantona.

(Potreba dokumentacija)

Uz Aplikacioni formular udruženje obavezno prilaže :

- § Statut udruženja / organizacije koja aplicira (kopija)
- § Rješenje o upisu u registar udruženja i fondacija kod Ministarstva pravosuđa i uprave TK, ili drugog nadležnog organa u Federaciji ili BiH (kopija)
- § Identifikacioni broj iz registra poslovnih subjekata (kopija),
- § Spesimen potpisa iz banke osoba odgovornih za finansije u udruženju (kopija),
- § Relevantan dokaz da je udruženje obezbjedilo dio sredstava iz drugih izvora za projekat / program koji se sufinasira (npr: Odluka o odobravanju sredstava, izvod iz banke o uplaćenim sredstvima i sl.) (kopija),
- § Narativni i finansijski izvještaj udruženja iz 2006.godinu za dodjeljena sredstva iz Budžeta TK-a, a udruženja koja nisu dobivala sredstva u 2006. godinu dostavljaju završni račun udruženja iz 2006.godine.

(Maksimalan broj projekata)

Udruženja imaju pravo na jedan javni poziv prijaviti najviše dva (2) projekta.

(Maksimalni iznos sredstava)

Maksimalan iznos koji se Udruženju može odobriti po jednom projektu je 20.000,00 KM. Maksimalan iznos koji se Udruženju može odobriti putem javnog poziva je 40.000,00 KM.

(Bodovni kriteriji)

Prilikom raspodjele sredstava cijeniće se sljedeći kriteriji:

- vezanost projekta za preferencijalni kriterij,
- ciljevi projekta su specifični, dostižni, mjerljivi, realistični i vremenski određeni,
- inovativni aspekt projekta,
- samoodrživost projekta
- projekat uključuje i angažuje veći broj volontera,
- jasno definisane ciljne grupe
- projektne aktivnosti uključuju društveno marginalizirane grupe,
- očekivani rezultati projekta su izraženi kroz kvalitetne indikatore,
- partnerski odnos sa drugom nevladinom organizacijom ili institucijom iz javnog sektora u realizaciji projekta
- administrativni troškovi na projektu ne prelaze 30% ukupnog budžeta projekta,

(Ugovor o sufinansiranju)

Nakon donošenja Programa o raspodjeli sredstava Vlada Tuzlanskog kantona zaključuje ugovore sa udruženjima o sufinansiranju programa /projekata, kojim će se preciznije regulisati međusobna prava, obaveze i odgovornosti.

***POPUNJENI APLIKACIONI FORMULAR SA SVIM PRILOZIMA
PODNOSE SE KOMISIJI U ZAPEČAĆENOJ KOVERTI, A PREDAJE PUTEM POŠTE
ILI NA PISARNICU VLADE TUZLANSKOG KANTONA NA ADRESI:***

**TUZLANSKI KANTON
V L A D A
KOMISIJA ZA ORGANIZACIJE I UDRUŽENJA TK
Ul.Slatina br. 2
75 000 Tuzla**

**Pod naznakom:
Prijava na dodatni javni poziv za sufinansiranje projekata/programa
udruženja i organizacija za 2007.godinu iz Budžeta TK-a**

***KRAJNI ROK ZA PODNOŠENJE APLIKACIJA JE 15 DANA OD DANA
OBJAVLJIVANJA U DNEVNIM NOVINAMA***

NEPOTPUNE I NEBLAGOVREMENE PRIJEVE NEĆE SE RAZMATRATI !!!